

宣
统
新
疆
图
志

新疆圖志卷一百一

奏議十一

臣等謹將各款開列于後

庫爾喀喇烏蘇同知請添設照磨兼司獄員缺摺

擬設伊塔道府等官摺

擬增庫爾喀喇烏蘇同知公費片

請設撫署筆帖式摺

估修古城衙署兵房等工請立案摺

修建南路提鎮衙署並擬續修通省武官營署摺

請定伊犁塔爾巴哈臺事權摺

會奏塔爾巴哈臺參贊移駐摺

會奏迪化學額摺

伊犁屯務防務均關緊要謹陳擬辦情形疏

承化寺遷徙摺

鎮西節婦陳王氏請旌表摺

請將新疆撫標及城守營副參游都守均作題缺由外揀補摺
命盜案件請暫行變通辦理疏

人命重案礙難遽復舊制疏

籌辦新疆屯黎及清查隱賦各情形疏

庫爾喀喇烏蘇同知請添設照磨兼司獄員缺摺

竊庫爾喀喇烏蘇地方向設糧員由部揀派經臣奏請改設撫民
同知一員加理事銜並於摺內聲明未盡事宜隨時

奏明辦理已奉

諭旨飭部核議覆准欽遵在案茲據新疆布政使魏光叢兼按察
使銜鎮巡道恩綸會詳稱庫爾喀喇烏蘇爲通伊犁塔爾巴哈臺
衝道改設同知經管地方戶口田賦刑案事務殷繁所有緝捕監
獄須有專責經理設遇同知因公出境或下鄉勘驗案件亦可藉
資彈壓請仿照南疆各同知之例添設庫爾喀喇烏蘇同知照磨
兼司獄一員管理監獄緝捕以資佐理等情前來臣查庫爾喀喇

烏蘇爲入伊塔兩城要道緝捕彈壓誠關緊要精河雖改設驛糧巡檢距廳治寫遠勢難兼顧合無仰懇

天恩俯準庫爾喀喇烏蘇添設同知照磨兼司獄一員於地方實有裨益如蒙

欵允應需養廉俸銀並書役名數工食等項請照南疆各廳照磨章程支給並照吉林新設各缺酌補一次成案由外揀補一次至應定爲何項缺分請俟設妥後由^臣定擬所有擬添庫爾喀喇烏蘇同知照磨兼司獄員缺緣由是否有當謹會同伊犁將軍^臣錫綸陝甘總督^臣譚鍾麟合詞具

奏伏乞

聖鑒訓示

光緒十二年十月十九日

擬設伊塔道府等官摺

竊^臣錦棠於光緒十二年四月二十一日具

奏請增置伊塔道一員駐紮伊犁兼管塔城事務改伊犁撫民廳

爲府改塔城通判爲撫民同知加理事銜兼管屯田水利如蒙
俞允其道府以下等官應如何增設容^臣等籌度情形詳悉具奏
奉

旨所請增改道廳各官係爲因時制宜起見著該部妥議具奏等
因欽此經部議稱應令將該處道府以下州縣等官作何增設詳
細情形具奏到日再行一併核議於光緒十二年八月十三日覆
奏奉

旨依議欽此欽遵知照到^臣當經分別咨行去後茲據新疆布政
使魏光濂兼按察使銜鎮迪道恩綸等詳稱遵查伊犁列城有九
其西六城曰惠遠曰綏定曰拱宸曰廣仁曰瞻德曰塔勒奇舊制
將軍參贊駐惠遠城現因舊城頽廢重建新城衙署兵房缺然未
備暫時駐於綏定將來應以惠遠新城作爲滿城仍請將軍移往
駐之以倣照內地駐防之制其餘各城形勢以綏定爲扼要距廣
仁六十里瞻德四十里塔勒奇十里惟距拱宸城卽霍爾果斯九

十里爲最遠擬升伊犁廳爲府裁撫民同知設知府一員治綏定城設附府知縣一員爲綏定縣以廣仁瞻德拱宸塔勒奇四城隸之東三城曰甯遠曰惠甯曰熙春以甯遠爲扼要舊制回屯居此設一糧員此時商賈輻輳俄領事亦駐於此距惠甯三十里熙春十里擬設甯遠縣知縣一員治甯遠城隸伊犁府而以惠甯熙春兩城隸之設伊塔道一員以守兼巡爲兵備道督飭所屬水利屯田錢糧刑名諸務稽查卡倫兼管通商事宜作爲衝繁疲難請旨最要缺駐劄甯遠與知縣同城府道東西分駐綏定向駐總兵設府縣而其鎮益重甯遠爲俄商聚集領事駐劄之所駐巡道而勢不偏輕且就近經理通商各事尤爲周妥霍爾果斯緊連俄界又有索倫各旗分屯其地距縣城較遠擬裁舊設之巡檢置伊犁府分防通判一員加理事銜駐霍爾果斯管理旗務並中俄交涉及督捕彈壓諸務廣仁城爲伊犁通銜人民龐雜現以惠甯城巡檢移駐彈壓擬卽改爲廣仁城巡檢隸綏定縣越廣仁而東歷頭

二三四臺至大河沿交精河界四臺之北一站卽博羅塔拉爲伊塔適中之地察哈爾游牧於此田地亦多西臨俄境形勢亦爲扼要應設雜職一員招民屯墾其地並管理督捕彈壓諸務開通驛道以聯伊犁塔城之氣惟隸之綏定相距較遠查精河向設糧員上年改設巡檢隸庫爾喀喇烏蘇同知管轄該處係伊犁後路衝要西南出登努斯口直達甯遠相距甚近應請設精河直隸廳撫民同知一員隸於伊塔道而以前設之精河巡檢移駐博羅塔拉隸之精河同知則骨節靈通事機亦順此外雜職各官卽擬裁舊設之惠遠城巡檢改設伊犁府經歷兼司獄一員裁綏定城巡檢改設綏定縣典史一員裁甯遠城巡檢改設甯遠縣典史一員並增設伊塔道庫大使一員精河同知照磨兼司獄一員以資分任仍留舊設伊犁理事同知隨將軍駐惠遠城辦理旗務塔爾巴哈臺理事通判擬改爲塔城直隸廳撫民同知仍兼理事銜管理民屯旗務及地方一切刑名事件仍設同知照磨兼司獄一員同爲

伊塔道屬所有擬設各官應需養廉公費應請悉照新疆現行章程支給仍倣照定章均准加給公費以資辦公並請倣照吉林新章由外揀補一次其自府廳以下應定爲何項缺分及畫定疆界與一切未盡事宜應俟各官到任後察看情形再行核辦至標營員缺應否酌量變通亦應俟道府各官到任後再行核辦會同擬議詳請具

奏前來口等覆核無異惟查伊犁向有旗屯兵屯民屯回屯塔城向有兵屯民屯現擬改設道府廳縣所有民屯回屯自應由地方官分撥耕種其旗綠各管屯地兵數未能復額已耕之外餘地尙多應併由地方官酌量招民屯墾以免荒廢是否有當除咨部外謹會同署伊犁將軍口錫綸署塔爾巴哈臺參贊大臣春滿台詞具陳伏乞

聖鑒訓示

三月二十二日

擬增庫爾喀喇烏蘇同知公費片

竊據藩司魏光齋詳據庫爾喀喇烏蘇同知符瑞稟稱庫屬地方瘠苦人工貨物昂貴倍於各屬且路當衝繁差務頻仍供支甚鉅額領廉費不敷應用委屬異常支绌懇請援案酌加公費等情查南北路各廳州縣稍苦員缺蒙奏准酌加辦公銀兩該廳係屬新設缺分最苦可否按照喀喇沙爾同知之例除舊有公費外按月給予加增公費銀五十兩等情詳請具

奏前來臣查新設庫爾喀喇烏蘇同知前經部議比照吐魯番同知例歲支養廉銀八百兩公費銀七百兩俸銀照五品例歲支八十兩茲據稱該廳地方瘠苦查係實情自應量加體恤俾昭平允合無仰懇

天恩俯允飭部准照喀喇沙爾同知之例除舊有公費外按月給予加增公費銀五十兩以資辦公出自

逾格鴻施是否有當謹會同陝甘總督臣譚鍾麟附片具奏伏乞

聖鑒訓示

光緒十三年三月十二日

請設撫署筆帖式摺

竊照新疆初設行省官制未備所有撫^臣衙門筆帖式員缺尙未議設遇有滿蒙文件雖暫委員繙譯究與定制不符茲據新疆布政使魏光翬詳稱查定例各督撫衙門筆帖式由京補用六年期滿各該處註考送部以京缺補用又例載直隸雲南總督衙門筆帖式各一人陝甘四川總督衙門筆帖式各二人山西巡撫衙門筆帖式二人陝西巡撫衙門筆帖式一人各等語新疆地處極邊所屬土爾扈特和碩特及哈密回部亦時有往來文件繙譯較多擬請倣照山西巡撫衙門筆帖式之例設新疆撫^臣衙門筆帖式二員掌理繙譯其俸銀照品支給養廉一項查新疆道遠地瘠百物昂貴擬請從優照陝甘總督衙門筆帖式例每員歲支銀二百五十兩並照甘肅津貼公費章程每員歲給公費銀六百兩以資辦公等情詳請具奏前來覆核無異合無仰懇

天恩俯念繙譯關重准予添設新疆撫^臣衙門筆帖式二員並請

飭部院核議補放以符定制恭摺具奏伏乞

聖鑒訓示

光緒十三年四月十三日

估修古城衙署兵房等工請立案摺

竊照烏魯木齊巴里坤旗營遷併古城前經奏明就原建奇臺縣新城蓋造房屋以資居止當飭藩司魏光熹委員勘修去後茲據該司詳據各委員等稟稱古城旗營暫按奏設六旗旗制擬修城守尉衙署一所佐領防禦驍尉校衙署十八所兵房暫修五百所內一院三間者九十二所一院兩間者四百零八所堆房六所鼓樓一所轉角廳四所糧倉火器營步軍營總學堂各一所萬壽宮關帝廟各一所共估需銀八萬八千餘兩該司查所估木料係派營勇入山採伐祇按旬犒賞酒肉一次所省實多惟遠在吉布庫等處距城百數十里不等山路崎嶇不得不僱車搬運以節勇力泥木各匠賈漢纏小工並應需一切物料北路尤屬翔貴核計所估數目係極力撙節懇請核辦前來○覆查無異除飭俟工竣造

具實數由^臣咨部核銷並俟遠併時查明工程應否酌增再行附續陳奏外所有估修古城旗營衙署兵房等工理合先行陳明請旨飭部立案是否有當謹會同陝甘總督^臣譚鍾麟恭摺具奏伏乞

聖鑒訓示

光緒十三年十一月十四日

修建南路提鎮衙署並擬續修通省武官營署摺

竊南路新設道廳州縣等官^臣前奏請興修城工十三起衙署十五起所有已竣各工曾於上年

奏明並飭趕造銷冊在案惟查喀什噶爾提督阿克蘇總兵均職在守邊責任綦重而設標既定衙署未修恐外無以觀示遠人內無以輯綏衆志當經咨行估辦去後茲據會勘估報喀什噶爾地處極邊一切工料均較他處爲貴木料雖派勇砍伐用費略有深山窮谷之中車路不通實難搬運及昇至平地僅車轉運尙離城二三百里或四五百里不等運腳極多通盤估計共需銀二萬

二千四百餘兩需糧九萬六百餘觔阿克蘇應修鎮署查該處道署尙爲寬敞現擬將道署改作鎮署另修溫宿州署以資節省鎮署計原用銀一萬三千二百餘兩道署計原用銀八千九百餘兩食糧在外新修州署並吏目衙署以及監獄計需銀五千六百餘兩需糧六萬六千六百餘觔據藩司魏光灝詳請具

奏前來臣查所估各工均尙核實分飭趕緊興修工竣造冊具報至通省撫提領各標雖參用勇營章程仍居營壘然既各有官守亦須畧具規模際此時艱未便率請撥款現擬各營所需兵房及哨長巡查應需公廨諸從簡樸均令自行修造派勇赴工其副參游都守等官或帶步隊一營或帶馬隊一旗概令於營中蓋造營署一所取足辦公不求美備惟需用匠工木料等項需費頗鉅應由臣另行籌款各營副將及撫標中軍擬各給銀二千兩參將遊擊擬各給銀一千二百兩都司守備擬各給銀八百兩畧資津貼

邀免造報如此變通辦理庶餉力既紓而辦公亦便是是否有當謹會同陝甘總督臣譚鍾麟恭摺具

奏伏乞

聖鑒訓示飭部立案施行

光緒十四年
月二十八日

請定伊犁塔爾巴哈臺事權摺

竊臣承准軍機大臣字寄光緒十四年十二月初五日奉

上諭色楞額奏俄人駁船中國兵民一案幾肇釁端並陳時局窒礙情形一摺甯遠一案前經總理各國事務衙門照會俄使確查妥辦並知照洪鈞轉電該將軍彈壓兵民勿任滋事此事近在伊犁色楞額責無旁貸總在就地確查與該領事持平商辦該處密邇鄰疆此等交涉事所常有必須持以鎮靜斷不可急遽張皇致滋貽誤至所籌邊要務各條新疆建設行省全局已定該將軍甫經到任豈宜輕議更張至善後未盡事宜及有應行變通之處應隨時與劉錦棠和衷商榷會同妥辦慎勿各持意見致誤事機色

楞額原摺著鈔給劉錦棠閱看將此由五百里各諭令知之等因欽此跪聆之下仰見

朝廷燭照無遺訓示周詳之至意欽服莫名伏查色楞額前過省城與^臣相見意氣極爲浹洽語及伊犁塔爾巴哈臺等處設官情事即云風會所趨自無疑義惟邊防事勢與內地究有不同若鎮道不歸節制恐呼應不能靈通所慮者祇此而已^臣是以有會同伊犁將軍節制鎮道之奏及色楞額到任後遇事漸有參差部覆議准設官^臣是以委員往署色楞額以爲不合甯遠地連俄境向未置營防守及開餉事起欲商令調營扼守而近地無營可調^臣是以派隊前往色楞額又以爲不合其見於原奏者皆

聖明所知^臣毋庸復辨^臣初疑其不應與前歧異由今思之新疆本將軍所轄謂之總統體制最崇一日改爲行省色楞額卽不以爲忤亦必有喜事者爲之造言如原奏所陳已可概見其實行省之議自左宗棠發之譚鍾麟繼言於其後^臣乃言之且皆斷自

宸衷非臣下一人之私智色楞額初至蓋未知之也現在蒙

恩准撥銀十五萬兩爲遺撤伊犁勇管之費臣自應欽遵會同辦理色楞額前奏係援臣十二年清餉原案臣所奏亦請照原案辦理並無歧異又拜摺後錄稿咨商請轉飭各該營造冊而色楞額至今不覆誠恐遷延日久各營勇又從而生心發餉既如此其難則營制更無能望其速改查伊犁自收還以後已及數年而應辦事宜毫無就緒非盡督催不力正由承行者視非己事故不肯盡心譚鍾麟前奏請專派大員辦理屯政臣與錫綸皆知其無益是以具奏請改設道府以下等官今既已設官自無容更議惟事無專屬實應明定章程若因此紛爭尙復成何事體竊念設官分職國家自有常經若伊犁鎮道等官應歸撫臣統轄則地方一切及勇管冊籍卽應由色楞額悉數移交以符體制或以將軍兼管伊犁塔爾巴哈臺等處巡撫事務自伊犁原管大河沿以西以及塔爾巴哈臺等處仍劃歸將軍管轄該鎮道以下亦悉由將軍統轄

卽毋庸過問其應分協餉仍可由新疆統收分解以利轉輸
與唇齒相依亦斷無漠不相關之理但事權一定則彼此心無芥蒂遇有應商之事仍可會商事有合之而見其疎分之而見其親者此類是也臣不敢隱忍不言致滋貽誤應請

旨迅賜定奪以便遵行再查伊犁將軍舊時總統伊犁等處其所統轄兼及南路各城自新疆設省以來臣與將軍已各有專責近復經部議裁撤伊犁參贊設副都統二員以改照駐防之制是職司已定即不應復有總統之名其所

勅書及原頒印信似均應更換以昭劃一臣爲慎重邊防起見是否有當謹恭摺陳明伏乞

聖鑒訓示施行

硃批所奏不爲無見前據色楞額等奏伊塔地方請歸將軍專轄已諭令該撫等妥商會奏著俟覆奏到日再降諭旨欽此

會奏塔爾巴哈臺參贊移駐摺

竊

臣

奏

請

裁

撤

塔

爾

巴

哈

臺

參

贊

大

臣

員

缺

以

伊

犁

副

都

統

一

員

移

駐

其

地

其

索

倫

錫

伯

察

哈

爾

額

魯

特

等

部

落

宜

各

擇

其

人

派

爲

總

管

兼

設

千

戶

百

戶

以

相

牽

制

伊

犁

塔

爾

巴

哈

臺

既

設

道

府

以

下

等

官

亦

經

部

議

允

准

自

應

會

同

安

籌

辦

理

伏

查

伊

犁

塔

爾

巴

哈

臺

事

同

一律

伊

犁

參

贊

大

臣

員

缺

以

伊

犁

副

都

統

一

員

移

駐

其

地

其

索

倫

錫

伯

察

哈

爾

額

魯

特

等

部

落

宜

各

擇

其

人

派

爲

總

管

兼

設

千

戶

百

戶

以

相

牽

制

伊

犁

塔

爾

巴

哈

臺

既

設

道

府

以

下

等

官

亦

經

部

議

覆

准

裁

撤

伊

犁

糧

員

均

可

裁

撤

等

因

經

部

議

覆

准

裁

撤

伊

犁

糧

員

餘

仍

令

由

等

詳

晰

會

商

奏

明

辦

理

於

光

緒

十三

年

八

月

初

八

日

具

奏

奉

旨依議欽此欽遵咨行到現在色楞額業已到任伊犁塔爾巴哈臺等處添設道府以下等官亦經部議允准自應會同安籌辦理伏查伊犁塔爾巴哈臺事同一律伊犁參贊大臣員缺前經部議裁撤改設副都統二員以仿照內地駐防之制塔爾巴哈臺屬境向例亦將軍所轄該處參贊大臣員缺自無須獨留應請一併裁撤以免歧異伊犁新設副都統二員與將軍同城辦事尙屬裕如應請照鍾麟以一員移駐塔爾巴哈台駐紮該處旗

隊向由伊犁換防平定以來大率由本地挑補編列成營無復換防之事前經錦棠奏准額設旗隊千人究應如何改照駐防之處應俟此次奉

旨後再由該副都統體察情形會同色楞額妥爲定擬其索倫錫伯察哈爾額魯特各部落言語不同性情亦異非各有所屬無以資彈壓而專責成所有伊犁現存之領隊大臣四缺請毋庸裁撤其塔爾巴哈臺領隊大臣一缺應否裁撤亦應俟副都統移定後再行定擬各該領隊大臣及新設之副都統均歸將軍統轄伊犁將軍仍節制伊犁鎮道如此酌量變通庶幾法制相維而事機亦順矣伊犁糧員既經部議裁撤以後各該處月餉均應按照部議由新疆藩司按月撥解分支各營應領食糧由各營自行採買伊犁月餉解由該道收支塔爾巴哈臺既改定同知員缺該處月餉亦應解由該同知收支以歸畫一其各處額設之糧餉章京應否裁撤應俟各旗營事定再由色楞額斟酌具

奏至各該處防營均應及時整頓前經臣錦棠於上年九月奏明俟設官議定後除各旗營應由將軍參贊妥籌布置外其鎮協各標臣自應悉心籌議奉

旨允准欽遵在案現在臣色楞額到任正在接收交代而錫綸病故比飭經手各員將錫綸任內一切應交案件迅速清理並由臣錦棠咨明接收交代後按照原議將勇營事務截清起止交由臣錦棠會商辦理仍一面檄飭各統領管官核清存餉趕造清冊以便及時裁併按照原奏額設四千人之數改定標管塔爾巴哈臺事務應俟伊犁諸務辦理就緒再行接辦其餘一切未盡事宜容臣等隨時會商陸續

奏明辦理再此摺係由臣錦棠主稿合並聲明伏乞

聖鑒訓示施行

會奏迪化學額摺

竊照新疆改建行省經臣錦棠

奏升迪化州爲迪化府增置迪化縣爲附府首縣以原設州學正爲教授照舊兼管各縣學事其歲科兩試復經^日等

奏明仿照都統局試舊章改歸撫^日辦理各在案上年歲科並行

由^日錦棠照章局試密封試卷咨由^日澍春按額取進因迪化州

原籍戶籍考試各事宜奏歸迪化縣經理將原設州學進額改爲

迪化縣額惟府學進額尙未議及據在籍紳士高廷選等稟由前

署迪化府知府蔣誥轉詳藩司魏光藻詳請添設前來^日等查甘

肅八府府學進額均由所屬各廳州縣額進之外照文風高下酌

取撥入迪化等屬自經兵燹學校廢弛底定以來學者漸衆上屆

入場人數已較前屆加多既經設府自應於各縣額進之外酌取

府學以符定制惟各屬府學額數多少不一^日錦棠查新疆舊設

鎮西府知府管轄兩縣定額府學三名廩生二名增生二名六年

一貢嗣改府爲廳府學遂廢今迪化府轄五縣內迪化昌吉阜康

綏來四縣歲科均各取進四名奇臺一縣歲科各取進五名應設

府學學額擬請按照鎮西舊案酌量添設迺化爲省會之地文風較盛擬於縣學額進之外酌取三名昌吉阜康綏來奇臺文風不相上下各於縣學額進之外酌取一名五屬共取七名撥入府學歲科兩試一體照辦比較鎮西兩屬撥府三名額數尙無加增並請照鎮西府設廩增之例俟府學生員已足三十名添設廩生五名增生五名以歲科試優等生員充補即並以補廩之日爲始六年一貢以廣

聖朝作人之化合無仰懇

天恩飭部議覆如蒙

俞允卽自下屆歲科試起遵照辦理再此摺係口錦棠主稿合並聲明伏祈

聖鑒訓示施行

伊犁屯務防務均關緊要謹陳擬辦情形疏

竊臣承准軍機大臣宇寄光緒十一年十一月二十五日奉

上諭譚鍾麟奏伊犁辦理屯田應派員督辦一摺等因欽此伏查
伊犁爲北路奧區土膏沃衍泉源溝洫處處可通承平時於九城
之地分置旗屯兵屯民屯回屯以資耕種邊氓相勸利莫厚焉亂
後地畝荒蕪耕者不及十分之二且聽兵民自占舊時經界無可
還循現經錫綸派委三品銜分省補用知府王耆彥按畝稽查以
期集事惟委員之與印官其勢不相統屬譚鍾麟原奏請將各處
同知均歸督辦之員管轄究係權宜之計臣愚以爲欲厚民生須
由郡縣欲增郡縣須設監司况新疆北路向設有道廳州縣現在
全疆改設行省南路經營建置亦已三年各該地方官奉法順流
與民更始其效較然可觀伊犁及塔爾巴哈臺等處原屬新疆北
路輔車相依不容膜視擬請仿照鎮迪道之制增置伊塔道一員
駐紮伊犁兼管塔城事務改伊犁撫民廳爲府改塔城通判爲撫
民同知加理事銜兼管屯田水利庶幾官事有聯而屯政亦因之
具舉當與錫綸計議並函商明春均以爲然可否施行伏候

聖明采擇如蒙

允其道府以下等官應如何增設容^臣與譚鍾麟錫綸明春等籌度情形詳細具奏抑^臣更有陳者伊犁幅員遼廓地處極邊該處增置旗兵屯地當時

諭旨有謂新疆重地武備最爲緊要此項地畝祇可專交閒散旗丁代爲耕種不當令官親身力作有妨操練等因仰見聖謨廣運惟懷永圖實百世不易之至計今則邊事日多附近哈薩克又時有勾結游匪搶劫殺人之案若不從嚴懲辦加意操防竊恐民不聊生而屯務亦將終廢是欲與屯以足食必先設防以衛民否則利少害多民將不至也該處營勇現經^臣與錫綸會商裁併汰弱留強餉項照章發給誠使各統領營官激發天良認真訓練自可漸成勁旅前奉

諭旨錫綸到任後與劉錦棠和衷商辦務將各該營積習悉力剪除毋稍彌縫致貽後患亦不得操之過遽別滋事端

聖訓周詳無微弗至此後宜如何策勵俾免疏虞是在錫綸隨時體察慎以行之者矣臣忝任封圻自不容置身事外愚見所及理合恭摺具奏伏乞

聖鑒訓示施行

軍機大臣奉

旨覽奏均悉伊犁營勇現經劉錦棠會商錫綸汰弱留強照章給餉自應隨時訓練俾成勁旅即著該大臣會同該將軍督飭各該管官激發天良認真操練以免疏虞所請增改道廳各官係爲因時制宜起見著該部妥議具奏欽此

承化寺遷徙摺

竊臣錦棠前承准軍機大臣宇寄光緒十三年七月二十六日奉上諭劉錦棠奏棍噶札拉參所領徒衆擬請仍在舊地居住並籌哈巴河防務一摺覽奏均悉前因沙克都林札布等奏烏梁海蒙哈官兵逼令承化寺僧衆趕緊移挪情形急迫當於五月二十二

日諭令劉錦棠錫綸迅籌覆奏此次該撫所奏尙係議覆三月間
諭旨未經奉到續諭之件此事頗有關繫必須得一實在情形著
劉錦棠錫綸懔遵前旨確切查明迅速籌議一面咨商沙克都林
札布等秉公酌度務須籌一妥善辦法奏明請旨至所奏哈巴河
以達承化寺一帶地方擬請劃歸塔爾巴哈臺管轄等語俟覆奏
到日再行酌定降旨等因欽此又承准軍機大臣字寄光緒十三
年十二月初一日奉

上諭錫綸奏遵議棍噶札拉參所領僧衆請仍照劉錦棠前奏辦
理一摺該大臣所奏仍與前奏大略相同著劉錦棠會同沙克都
林札布妥速籌商並應否委員確勘再行定議各破除成見詳審
酌度奏明辦理等因欽此伏查此案疊奉

諭旨訓示周詳無微弗至^臣等不能及時定議惶悚實深前署將
軍^臣錫綸未及再議旋卽交卸^臣色楞額到任後復會同籌商沙
克都林札布仍持前議催令交還借地是卽令委員會勘亦終無

益且五額爾慶額曾在科布多任事於該處情形知之甚悉上年復派員往查亦毋庸再行會勘該處原屬烏梁海蒙部前歲該部落僉人種地意在遷回繼因賠累難堪毫無所獲上年已無人再至沙克都林札布原奏請遷去承化寺僧衆收還借地以便安插蒙哈此起哈薩克其始亦祇係借地游牧非科布多所有且多於承化寺僧衆約數十倍烏梁海蒙部能聽其安插則無爭於此士蓋可知矣惟其地緊與俄鄰棍噶札拉參曾與俄人構釁久居其地誠恐不能相安前奉

諭旨令於新疆所屬擇一距俄境較遠之地奏明安插四等自應恪遵惟擇地甚難非急切所能指定正籌議間適五色楞額據舊吐爾扈特東部落盟長畢西勒爾圖郡王巴雅爾呈稱棍噶札拉參前在庫爾喀喇烏蘇地方該部落賴其保護今聞會議欲令其遷回新疆讓還科布多借地部衆皆願其復來等語復咨由四錦棠飭據庫爾喀喇烏蘇廳屬八英溝一名察汗烏索在西南山中

距城一百六十餘里原係該蒙古牧場附近並無官地中有寺院一所原係棍噶札拉參建造現住喇嘛二百餘人皆其舊日徒衆復詢據該處蒙民僉稱願得棍噶札拉參復來屬實上年十一月間承化寺僧人有省視棍噶札拉參回寺者道過省城^日錦棠復親加詢問據稱該寺僧衆有招之近地者有來自遠方者其招之近地者現存約三百餘人其來自遠方者自棍噶札拉參去日多已從行其後又或游化多方所存不過數十人而已^口等公同商議棍噶札拉參既應遷徙而入英溝一帶距俄境遠以退於此洵屬相宜該蒙部又望之甚殷自可從其所請但其徒衆既多係招之近地各安其土各有布施恐遷地弗良徒多耗費且承化寺名由

勅賜工在不貲亦未便聽其毀棄近年棍噶札拉參遠去該徒衆恂恂自守亦尙相安擬就其中量爲區別其原係來自遠方者前與俱來今即與之俱往其原係招之近地者即聽其留居該寺概

免遷移仍擇大喇嘛一人領之有願隨同遷徙亦聽以後該處若歸塔爾巴哈臺管轄則所留僧衆亦仍歸塔爾巴哈臺參贊大臣管轄以專責成如此則舉動不勞而事機亦順如蒙

允准應請

旨飭下理藩院催令該呼圖克圖速來新疆其未盡事宜應俟該呼圖克圖至日面商再行詳晰具

奏至哈巴河一帶地方緊與俄鄰俄人窺伺已久塔爾巴哈臺自借地以來卽以派兵駐守以故數年尙稱安靜若一旦委之以去使俄人乘虛而入得以南下古城則新疆隔絕在西全局將爲之俱震非小失也科布多遠隔大山勢必不能爲之固守應否改隸塔爾巴哈臺管轄自應恭候

諭旨遵行再此摺係由錦棠主稿因往返熟商有需時日是以覆奏稍遲合併聲明伏乞

聖鑒訓示施行

鎮西節婦陳王氏請旌表摺

竊據新疆布政使魏光叡詳據鎮西廳同知甘承謨詳准署鎮西廳訓導劉桂南牒轉在籍新選甘肅秦安縣訓導常九齡等呈稱查有已故節婦陳王氏係里民王林之女

遞贈昭武都尉陳萬選之妻陳吉之母遊擊銜儘先都司借補呼圖壁守備陳登魁補用守備借補巴里鎮標千總陳發魁之祖母年十六于歸事姑孝姑歿衰毀盡禮嘉慶二十五年萬選病故氏年二十九歲慟不欲生旋以子吉繼數齡矢志撫孤因強起營祭葬繼爲吉擇配生兩孫家貧恒藉紡績市薪米夫嗣遺吉入伍吉夫婦復先後病歿氏又撫二孫成立仍效力行間同治初逆回構亂廳城瀕於危者屢氏輒以奮勇殺賊爲二孫易城卒無恙登魁等亦遂以軍功累保今職氏歿於同治三年冬計守節四十九年光緒七年恭達

賞給四品

封典職等誼屬同里見聞較確未便聽其湮沒勿彰造具事實冊
結聯名呈懇由學及廳依次加結詳司核轉前來^臣查定例直省
節孝婦女應

旌表者由該督撫學政會同具

題並取具冊結送部核議題准後令該地方官給銀三十兩聽本
家建坊等因歷經違奉在案茲據詳前情^臣覆核無異合無仰懇
天恩俯

准勅部核議照例

旌表以彰苦節而維風化除將事實冊結咨部外謹會同陝甘總
督^臣譚鍾麟甘肅學政^臣秦澍春恭摺具陳伏乞

聖鑒訓示

請將新疆撫標及城守營副參游都守均作題缺由外揀補摺
竊^臣等准兵部咨稱應將新疆改設撫標中左右三營省城城守

管喀喇巴爾噶遜管瑪納斯協管濟木薩管庫爾喀喇烏蘇管精河管及添設之吐魯管守副參游都守等缺均應作何項之缺體察情形迅卽奏明辦理至現設各缺並令查明堪勝改缺之任者分別奏咨報部以憑換劄註冊人地未宜者奏明開缺另補以定制等因當經行司妥議去後茲據藩司魏光齋鎮巡道兼按察使銜恩綸會詳稱新疆撫標及城守各營副參游都守等官員缺係以烏魯木齊提標所部各營員缺體察情形分別改設添設計改設撫標中管參將一員守備二員左管游擊一員守備二員右管游擊一員守備二員省城城守管副將一員都司二員守備一員喀喇巴爾噶遜管守備一員瑪納斯協管副將一員都司二員守備一員濟木薩管參將一員守備一員庫爾喀喇烏蘇管游擊一員守備一員精河管參將一員守備一員添設吐魯番管游擊一員守備一員其各該員缺從前均定由外揀選題補誠以地處極邊界連外部兵政極關緊要非洞悉邊情練習管務之員難期

勝任現雖建置行省而情形今昔則同所有改設添設撫標中左右三營省城城守營喀喇巴爾噶遜營瑪納斯協營濟木薩管庫爾喀喇烏蘇管精河管及添設之吐魯營副參游都守等缺應請均作爲題缺由外揀員請補詳請具

奏前來^臣等查新疆設立行省營制參用勇章係屬因地制宜其副將以下員缺必得熟悉地方情形明幹有爲之員方足以資治理合無仰懇

天恩俯准將新疆撫標並城守等營副參游都守等缺均作爲題缺由外揀員請補如蒙

欵允^臣等卽遵照部議將堪勝改缺之任者分別奏咨報部換劄註冊人地未宜者奏明開缺另行揀員請補以重邊防而資得力^臣爲慎重邊地防務起見是否有當謹恭摺具陳伏祈

聖鑒訓示施行

命盜案件請暫行變通辦理疏

竊查安集延逆酋阿古柏佔據新疆十有餘載弱肉強食民氣益
囂向來繩回殺死人命均由兇犯出買命銀數兩至數十兩不等
給與屍親從無抵償之說阿古柏惟利是圖變本加厲以致殷實
土豪視殺人爲兒戲而搶劫之風亦因之日甚臣於光緒三年由
托克遜進規南路每克一城卽傳集該地民人宣布

朝廷德威飭令蕩滌污俗共保身家並責成各頭目挨戶勸導如
仍前不法罔知悛改立即扭送懲辦頭目容隱不報一經查出併
行究治續經大學士前任陝甘督臣左宗棠譯刊

聖諭十六條附律易解一卷刷印多本分發各城義塾及大小伯
克頭目誦讀講解並令傳告鄉民共知觀感察看近日情形從前
貪忍鷙悍習氣似已稍戢間有惑不畏死殺斃一二命與夥衆持
械搶劫訊明供證贓物確鑿無疑法難曲宥者以地方甫經收復
民志未定卽依軍法就地儘法懲辦其情節稍輕之犯分別擬以
管押繫桿枷號笞杖並酌量時日久暫笞杖多寡取保釋放案結

後均摘敘案由及辦理各節譯繕簡明通俗告示張帖市鎮通衢並犯事地方俾頑梗兇徒見之互相傳述冀可收革面洗心之效惟南路各城相距近者數百里遠者至二三千里郊關之外大都戈壁鹹灘往往行數日程渺無人煙解犯就道時有戒心非節次派勇防護不可自吐魯番以西僅有善後總分各局向無州縣及例設監禁書役卽略知例案之幕友亦因離家窺遠視爲畏途無從延請是以平日辦事既乏人襄助遇有過往人犯收管局內又不免疎失之虞北路雖設有印委各官而舉目荒涼民氣未復亦與南路情形大略相同且查新疆戶民種類繁多風氣不一語言文字制度儀文衣冠嗜欲各自爲俗南路以纏頭布魯特族類爲最重蒙古次之漢回又次之北路以哈薩克族類爲最重蒙古漢回次之纏頭又次之而滿漢子遺之民則兩路均寥寥無幾該民人等久違聲教初就範圍以牧羣之馬一時雖勉受羈勒其奔軼之性究難猝除臣再四思維惟有於犯案到關後勤審勤結擇其

尤不法者立予痛懲庶各種莠民咸生畏憚若泥於文法不遠數千里輾轉解勘不獨僉解收管事事爲難而遷延日久縱將重犯處以嚴刑愚民事過卽忘亦將熟視無覩不足以震動其心昔漢朝初定關中除秦苛政約法三章殺人者死傷人及盜抵罪厥後班超平定西域亦誠受代之任尙以水清無大魚察政不得下和宜蕩佚簡易寬小過總大綱任尙不從卒至變叛記云修其教不易其俗齊其政不易其宜誠以軍旅之後荒遠之區尤當蠲除煩苛與民休息不可以常例拘也伏查乾隆元年平定黔省苗疆開設郡縣欽奉諭旨苗民風俗與內地百姓迥別後苗民一切自相爭訟之事俱照苗例完結不必純以官法等因欽此仰見

高宗純皇帝慎重嚴疆

聖意淵深無微不至雖新疆久入版圖似非初開苗疆可比然道里綿長臺站疲困種類錯雜俗尚紛歧欲一旦用夏變夷遽臻上治實未易言臣上年在喀什噶爾行營曾將命盜案辦法咨商左

宗棠旋准咨覆歷代撫馭邊氓立法最宜簡易現在所辦各節因地制宜本無不合惟草創伊始應俟改設行省後由新疆督撫體察情形奏咨辦理刻下如有前項案情卽飭各善後局員酌量擬辦覆核遵行等因咨行到臣左宗棠旋卽交卸北上臣自維資質庸愚不諳吏事驟膺拔擢權攝

欽符並奉

特旨暫轄哈密鎮迪道所屬文武地方官職任愈重兢惕滋深而改設行省又非一時所能就緒區區愚昧之見不敢緘默不言合無仰懇

天恩俯念萬里窮邊與內地省分情形不同

飭將新疆南北兩路命盜案件暫飭變通辦理俾得就地迅速審擬完解由臣按季摘由彙奏一面咨部立案似於撫治邊防大有裨益臣仍當會同幫辦軍務伊犁將軍臣金順護理陝甘督臣楊昌濬烏魯木齊都統臣恭鐘署幫辦軍務廣東陸路提督臣張曜

督飭各善後局員各印官於一切重案悉心研鞠勿任刑求務期無枉無縱定讞具詳再行逐細覆核飭行以仰副

朝廷明罰敕法刑期無刑之至意所有新疆命盜案件請暫行變通辦理情形恭摺具陳伏乞

聖鑒訓示施行

人命重案礙難遽復舊制疏

竊日准刑部咨議覆新疆辦理命盜案件一摺新疆擒刦盜案暫准就地正法命案罪應凌遲斬絞立決及監候各犯均由該撫等詳細核勘照例擬定罪名專摺奏明請

旨俟奉到部覆後將應凌遲斬絞立決及例質入勾之犯再行處決等因奉

旨依議欽此仰見

朝廷欽恤民命明慎用刑之至意日自應恪遵辦理第新疆地處極邊迥異內地其窒礙難行之處略有二端敬爲我

皇上總晰陳之查例載州縣承審事件定擬招解上司按律改正該督撫均於題咨內據實聲明俟刑部核覆後係州縣官原擬錯誤者卽照部駁改正例按其罪名出入分別議處等情新疆新設州縣事屬草創裏理乏人略知例案者多不願游幕萬里之外卽由關內招募刑仵大半濫竽充數驗傷填格諸多未諳於各屬案件只期供情確實並不責其爰書概由督同鎮道兼臬司銜詳度案情參諸律例酌擬完結若如部議辦理必由州縣定擬如律則新疆州縣幾無一員可以自全此不能遽照舊制者一也凡罪至凌遲立決皆係決不待時卽斬絞列入勾人犯亦屬法無可貸此等亡命死囚久稽囹圄設使瘦斃憲典倅逃倘有疎失逃入鄰境爲害滋深自宜早伸

國法然不能不稍爲遲延者纏回等言語不通真供真情頗不易得繩以照例承審期限勢必不行各屬距省窵遠詳批往返約二三月設有駁詰申覆往返亦需時日情罪既重核轉上司或應親

提鞫問長途解犯動輒千數百里迨供情審定轉詳到省每結一案速到大半年遲到年餘已屬遲之又久若照部議隨時具奏京師距新疆省八千六百餘里奉准部覆去來程限亦須三月有奇再由行文犯事地方又需月餘通盤合算處一決不待駁之犯總須一年以外此不能遽照舊制者又其一也恭讀嘉慶十二年四月十六日

上諭盛駐等奏拏獲圖財害命之回犯審明定擬一摺此案胡特魯克著卽處斬回疆非内地可比嗣後遇有此等案件情節較重者於訊明正兇後卽著立時懲辦毋致久稽顯戮等因欽此是則回疆情形不比内地早在

聖明洞鑒之中現雖改設行省而風氣所趨究非旦夕所能更變合無仰懇

天恩俯念新疆地處極邊州縣諸凡創始暫准將命案罪應凌遲斬絞立決及斬絞監候例實入勾各犯仍照變通章程就地正法

按季摘由彙報俟之數年後察看情形奏請規復舊制至斬絞監候入緩人犯卽遵部議辦理專案具奏聽候部覆應行減軍減流卽同尋常遣軍流徒等犯一體南北二路互相調發勻撥地畝以助屯墾據藩司魏光熙鎮迪道兼按察使銜恩綸會詳請奏前來臣覆查無異所有新疆人命重案礙難遽復舊制仍請

旨飭部暫准變通辦理各緣由謹會同陝甘總督譚鍾麟署伊犁將軍錫綸恭摺具陳伏乞聖鑒訓示施行

籌辦新疆屯墾及清查隱賦各情形疏

竊照新疆地方幅員遼闊戈壁之外不乏膏腴兵燹以來鞠爲茂草繼經平定招集流亡加意撫綏興修屯墾南路屬民繁庶荒地尙屬無多北路鎮迪各屬已墾熟地不過十之二三田賦缺額既多閭閻亦形彆敞新招各戶率皆貧乏非由公中酌借成本不足以廣招徠前飭據藩司魏光熙體察情形悉心籌畫酌擬章程

每戶給地六十畝由公中借給籽種糧三石製辦農具銀六兩修蓋房屋銀八兩耕牛兩頭合價銀二十四兩或父子共作或兄弟同居或雇夥結伴均按照二人爲一戶並月給鹽菜銀一兩八錢口糧麵九十觔自春耕起按八箇月計算通計每戶銀糧牽算約需借給成本銀七十三兩一錢定限初年還半次年全繳設遇歉收查明酌展繳本之後按畝升科啟徵額糧自第三年始徵半次年全徵仍倣營田之制十戶派一屯長如營中什長之制五十戶派一屯正如管中百長之制每屯正五名派一委員管理凡請領成本督察農工一切事宜地方官責之委員委員責之屯正屯正責之屯長仍十戶出具連環保結互相糾察層層鉛束以免領本潛逃耗費曠工及滋事不法諸弊其屯正屯長每名仍准領地六十畝借給成本一如戶民之例惟每月另給屯正銀四兩屯長銀二兩仍按八箇月計算俱免扣還以示獎勵前於覆陳安插助墾人犯摺內逐一聲明在案茲查迪化縣安插三百六戶奇臺縣安

插一百戶昌吉縣安插一百四戶阜康縣安插五十三戶綏來縣
安插三百二十戶濟木薩縣丞安插六十六戶呼圖壁巡檢安插
七十四戶哈密通判安插四十五戶精河巡檢安插二十二戶總
計安插土客一千九十戶除籽種口糧由倉糧項下借發外共領
過成本銀四萬九千八百餘兩另由公中籌給修渠經費銀四千
八百餘兩均於善後經費項下開支其舊戶中有隱匿正賦者亦
定章飭屬清查准各戶自行首報卽於具報到官之日按畝升科
姑寬既往如不行首報查出嚴懲仍追歷年隱賦已據各屬查報
隱糧一千三百四十餘石均自十二年起徵此上年定章興辦屯
墾並清查隱賦之各項情形也惟新疆屯地向資渠水灌溉亂後
渠多壅廢開辦之初擇其易於爲力者先加疏濬經費尙屬無多
以後續籌安插此款必須增鉅現值安插遣犯需費不資卽以收
回成本周轉能否招墾民戶如上年之數應俟察看情形酌量籌
辦以期戶口日增荒蕪日闢賦額日加漸臻富庶至南路各屬亦

報新墾地一萬九千餘畝分年啟徵均係報明不領墾費合併聲
明除咨部查照外謹會同陝甘總督。譚鍾麟恭摺具陳伏乞
聖鑒訓示施行

新疆圖志卷一百二

奏議十二

內閣 資光錄

遵查各臺局暫難裁減摺

助屯人犯免罪入籍摺

提鎮仍歸陝甘總督節制片

修建省城巡撫藩司衙署摺

會奏劃定伊犁餉數摺

省城東門建通省忠義祠片

會奏劃分塔爾巴哈臺餉數定期交接及綠營分隸巡撫摺

撥址安插呼圖克圖徒衆片

遵查各臺局暫難裁減摺

稿於光緒十六年正月初六日准戶部咨內閣抄出光緒十五

年十一月十五日奉

上諭國家綜核度支必先嚴除冗濫從前各省辦理軍務創立支

應採辦轉運等局本屬一時權宜不能視為常例迨軍事敉定又以善後為名凡事之應隸藩司者分設各局名目衆多鹽務則督銷分銷局卡林立大率以候補道員為總辦而會辦隨辦各員其數不可勝計所有專管之藩運兩司轉以循例畫諾為了事又如清訟保甲捕盜等事本係臬司專責亦另設一局授權委員論公事則推諉轉多論庫欵則虛糜甚鉅至船政機器各局原為當務之急而局用開支尤屬繁費叢生漫無稽考若不一律認真整頓何以昭核實而塞漏卮前於光緒十一年八月二十二日欽奉

懿旨各省設立各局種種名目濫支濫應無非瞻徇情面為位置閒員地步飭令大加裁汰定議覆奏仰見

聖慈誥戒嚴明各該省雖經遵議奏明量為裁減總未能將煩費認真革除近年以來冗員愈多浮費愈甚著各直省將軍督撫破除情面將所有各局通行查覆或刪減或歸併其有必不能裁者卽將按月經費限定數目不准任意增減自接奉此旨後勒限三

箇月將議定現留各局開單奏報並將各局經費每月若干咨報
戶部存案該部於每年報銷冊內逐一查對毋任稍有含混理財
與用人相輔而行實爲圖治之大端各將軍督撫身膺重寄務當
振刷精神切實經理不得狃於積習敷衍塞責將此通諭知之欽
此當卽欽遵轉行辦理去後茲據布政使饒應祺鎮迪道兼按察
使銜恩綸會詳稱查新疆所設台局光緒十二年撫員劉錦棠於
覆奏核實刪減用費摺內聲明各路臺局原設一百四十餘處近
來裁撤除牛痘局外祇存二十餘處嗣又裁撤古城屯採局哈密
糧運局奏明在案現在各路臺局祇存一十八處並牛痘局二十
三處均係因地制宜刻難裁減月支經費亦無浮冒開列清單詳
候諸務就緒仍當體察情形酌量裁併仰副

朝廷綜核度支嚴除冗濫之至意

清單

一糧台一處

新疆糧台

一採運並軍裝柴草各局共四處內

省城採運局

省城軍裝局

哈密軍裝局

省城柴草局

一保甲局十三處內

省城保甲局

古城保甲局

哈密新城保甲局

吐魯番新城保甲局

喀喇沙爾保甲局

庫車保甲局

阿克蘇保甲局

烏什保甲局

英吉沙爾保甲局

喀什噶爾漢城保甲局

葉爾羌保甲局

和闐保甲局

綏來保甲局

一牛痘局十三處內

哈密牛痘局

巴里坤牛痘局

昌吉牛痘局

吐魯番牛痘局

喀喇沙爾牛痘局

庫車牛痘局

阿克蘇牛痘局

烏什牛痘局

喀什噶爾牛痘局

英吉沙爾牛痘局

瑪喇巴什牛痘局

葉爾羌牛痘局

和闐牛痘局

助屯人犯免罪入籍摺

竊維新疆地處極邊兵燹之後地曠人稀部議將直隸山東山西河南四川陝西甘肅七省斬絞減等人犯發往新疆助興屯政嗣因隻身人犯沿途滋事到配又不能咸安耕作十年生聚之謀於若輩無望部議凡有室家者僉同起解實係隻身人犯仍令按表定發內地又准部議此項發新疆人犯原與實在遣犯不同應於錢糧全完之年卽准入籍爲民等因在案茲查前項人犯陸續解

到一千六十四名除逃亡病故外共九百七十六名分置迪化昌
吉阜康奇臺等縣屯墾按照原奏章程每戶借給耕牛農具等項
成本銀七十三兩有奇初年限還一半次年全還錢糧自第三年
起初年征半次年全徵計自光緒十二年到配安置起迄今有已
滿年限者有未滿年限者亦有年限雖滿因所墾荒地工本較費
加之收成豐歉不一還本力有未逮尙須量展升科者本年恭逢
恩詔此項減流人犯內地本應在赦之列若因遠徙邊庭助興屯
墾不與查辦未免向隅若竟援赦釋回又與實邊之初議不合臣

再四籌思擬懇量予

恩施無論該犯是否已滿升科年限錢糧全徵與否凡到配在本
年三月十五日以前者卽准一體免罪入籍爲民遇事照平民辦
理仍責成各地方官妥爲撫馭督飭認眞屯墾照章繳本納糧以
期永實邊荒俾臻富庶此後如有成本未繳私行逃脫卽屬該犯
自外生成應由各地方官隨時詳報咨行拿辦如此量爲變通庶

於推廣

皇仁之中仍不至有礙屯政據署布政使饒應祺鎮迪道兼按察使銜恩綸會詳前來覆查無異謹會陝甘總督臣楊昌溶恭摺具陳伏乞

聖鑒訓示施行

提鎮仍歸陝甘總督節制片

竊准兵部咨新疆撫標所屬提鎮是否仍聽陝甘總督節制應令奏明辦理等因臣查烏魯木齊提督巴里坤總兵向聽陝甘總督節制伊犁總兵聽伊犁將軍陝甘總督節制嗣議建立行省督辦新疆軍務臣劉錦棠奏設巡撫請

賞加兵部尙書銜以便統轄全疆官兵光緒十年臣劉錦棠奉旨補授甘肅新疆巡撫恭奉

敕諭自提督總兵以下等官並聽節制等因欽此旋於具奏標路各營員缺管制餉章摺內聲明提鎮各營統由巡撫節制經部議

准在案現在烏魯木齊提督業經奏准移駐喀什噶爾喀什噶爾換防總兵移駐阿克蘇作爲掛印總兵應與巴里坤總兵均由巡撫節制仍照舊例並聽陝甘總督節制伊犁鎮標員缺營制餉章現未舉辦其原設總兵亦應由巡撫節制俾歸畫一仍照舊例暨奏准伊犁將軍節制鎮道之案並聽伊犁將軍陝甘總督節制遇有提鎮各標事件由撫^臣咨會督^臣辦理以昭慎重謹附片恭陳伏乞

聖鑒訓示施行

修建省城巡撫藩司衙署摺

竊查新疆南路已修城垣衙署及北路哈密古城吐魯番綏來等處城工業經先後奏請核銷其省城城垣撫藩衙署撫^臣劉錦棠奏明擬照向章派撥營勇輪流應役藉資節省工料犒賞等項經費從減確估省城城垣計需銀六萬三千餘兩巡撫衙署二萬九千餘兩藩司衙署二萬五千餘兩並照部議在於善後項下勻挪

應用當飭委員動工興修在案茲據糧臺司道詳稱前項城署三
起均經工竣取具印委各員丈尺做法工料銀兩圖冊勘驗保固
印結詳請奏銷前來^臣查省城城垣係將滿漢兩城合而爲一西
北兩面及東面迤北向有牆垣相接惟城身低薄增高培厚無異
新修漢城東北及滿城東南城身均一律剗平以資寬展東南一
帶另行修築城身俾相聯絡平舊拓新工復加倍撫藩兩署體制
攸關規模須具概從新建工程亦屬浩大北路匠工物料向較南
路尤爲昂貴加以行省初設商民輻輳修造室宇工作繁興價值
愈難跌減公中雇辦工料不能不照市價發給現計城署三起派
勇幫作照章犒賞共九十一萬九千七百餘工按省城工價扣算
省銀一十九萬三千一百餘兩計祇用銀一十一萬八千七百餘
兩內扣回平餘銀九百餘兩實用銀一十一萬七千八百餘兩核
與劉錦棠奏佔數目尙屬相符均於善後項下據節動支委係實
用實銷工料堅固並無浮濫草率情弊相應開具清單恭呈

御覽懇

恩飭部核銷以清欵目所有省城建修巡撫藩司衙署情形恭摺具陳伏乞

聖鑒訓示施行

會奏劃定伊犁餉數摺

一日奉

竊昌濬等前奏伊犁分隸事宜等因一摺光緒十五年六月初

硃批著照所請該部知道欽此隨准部咨伊犁塔爾巴哈臺兩處漢隊現既分隸所有管制餉章應由該將軍督撫等迅卽詳細分晰奏咨立案等因前來色楞額以抽裁勇隊規復旗營未能尅期清理奏懇暫緩交割仍一面趕辦一面咨商光緒定光緒十六年正月將鎮標勇隊移交接管截至十五年底止旗綠標兵餉項概由將軍臣清理十六年起鎮標餉項分由撫臣經營屆時交接自應先將餉數劃分以清界限查色楞額前奏伊犁滿蒙駐

防規復管制酌減兵額餉額並籌練軍口分及軍裝馬匹無額雜
欵歲需銀五十五萬兩軍標千人額餉尚不在內合鎮標兵餉善
後經費爲數寔鉅四等往復咨商擬分撥伊犁將軍歲餉銀四十
萬兩就餉籌兵官俸雜支均在其內以後定爲常額伊犁餉項十
六年分原撥銀八十四萬兩除議分伊犁將軍四十萬兩遵照部
議清理伊犁陳餉案內撥還前借甘肅藩庫銀五萬兩外新疆巡
撫應分銀三十九萬兩應俟各省解到十六年分協餉由四昌溶
飭甘肅藩司照數統收分解其管制餉章俟交接後由四色楞額
四昌溶等分別詳細奏咨立案至塔爾巴哈臺交接分餉事宜容
會商另案具奏再此摺係四光緒主稿合併聲明伏祈

聖鑒訓示施行

省城東門建通省忠義祠片

竊官軍克復烏魯木齊湘軍陣亡將士經撫四劉錦棠捐修忠義
祠一所奏明在案四查逆回變亂南北兩路滿漢官紳兵民婦女

死事慘烈者尤屬不少迭經烏魯木齊都統^日恭鐸撫^日劉錦棠先後設局探訪共計二萬四千八百三十八員名五次奏奉旨准從優議卹具見

朝廷褒揚忠義之至意惟春秋祀典尙屬缺然^日上年飭署撫標右營遊擊彭桂馥迪化縣知縣陳希洛於省城東門內擇定基址另建通省忠義祠一所以祀死事滿漢官紳兵民婦女現在祠上完竣需用祭器亦均備具據署布政使饒應祺轉詳請奏前來^日覆查無異相應請

旨飭部立案歲時由地方官致祭以垂久遠而昭激勸用費銀兩均係捐集邀免造報歲修經費容俟另行籌辦合併聲明伏祈

聖鑒訓示施行

會奏劃分塔爾巴哈臺餉數定期交接及綠管分隸巡撫摺竊^(臣)昌濬等上年覆奏伊犁塔爾巴哈臺等處分隸巡撫管轄一

摺光緒十五年六月初一日奉

硃批著照所請該部知道欽此隨准部咨伊犁塔爾巴哈臺兩處漢隊現既分隸所有管制餉章應由該將軍督撫等迅卽詳細分晰奏咨立案等因查伊犁綠管善後交接清楚業經^臣等先後奏報在案塔爾巴哈臺分隸事宜額爾慶額於上年九月二十四日奏因城工緊要請暫緩移交十一月初六日奉

硃批著照所請該部知道欽此額爾慶額又於十一月二十六日具奏塔爾巴哈臺地方文武仍歸副都統專轄一摺本年二月二十一日奉

硃批該部議奏欽此旋准部咨會議所請塔爾巴哈臺地方文武歸副都統專轄之處應毋庸議於十六年五月初四日具奏奉旨依議欽此欽遵知照前來自應欽遵辦理^臣光叢查上年九月額爾慶額請緩原奏聲明數月以來城工已收得半之功現又將屆一年當可告竣卽有尾工未竟交隸之後原議劃分軍標漢隊五百名既可從役如實勇力不敷協標勇隊仍可帮同工作公家

之事自不因分隸稍有畛域當具會稿定期光緒十六年十月初一日交隸分咨書奏嗣准額爾慶額咨以城工未竣兵房衙署須次第修建若將標管分隸誠恐意存觀望仍請暫緩交割等因復經咨商擬將餉數截至年底展此一季俾得從容料理並擬飭借補塔爾巴哈台副將現署精河營參將張懷玉挑選步隊先赴該處帮同工作以期迅速歲役未准咨覆查塔爾巴哈臺綠營營制餉章地方善後亟應分別辦理未便再行稽緩日等酌擬定期光緒十七年正月初一日將塔爾巴哈臺協標勇隊地方善後移交巡撫接管截至本年冬季止旗綠兵餉善後經費概由額爾慶額清理以後協標餉項善後事宜分由撫日經管屆時交接先將餉數劃分以清界限查塔爾巴哈臺十七年分餉項業經額爾慶額奏准歲撥銀三十二萬兩內善後經費銀三萬兩既將地方善後移交巡撫接管應歸巡撫經收支發其餘餉裝銀二十九萬兩歲各分銀十四萬五千兩均由甘肅藩司照數統收分解其營制餉

章容由將軍巡撫臣分別奏咨立案該處新建城垣光緒十四年
經額爾慶額奏明將來規復舊制可作爲滿城旗兵駐防之所等
語應由額爾慶額一手經理作爲滿城副都統駐之其綏靖舊城
緊接俄境形勢扼要且與屯田相近擬請作爲滿城酌量修補副
將同知等官駐之至塔爾巴哈臺叅贊大臣一缺前經奏准裁撤
將伊犁新設副都統二員以一員移駐塔爾巴哈臺移交後應將
原領參贊大臣印信繳銷并請

飭刊分防塔爾巴哈臺副都統印信頒發敬領啟用以昭信守而
符奏案所有劃分塔爾巴哈臺餉數定期交接及綠營分隸巡撫
緣由恭摺具陳伏乞

聖鑒訓示施行

撥址安插呼圖克圖徒衆片

竊棍噶札拉參呼圖克圖所領徒衆經前撫臣劉錦棠奏明安插
庫爾喀喇烏蘇屬八英溝地方該呼圖克圖上年十月抵新疆省

城與面商以該處不敷安插請

飭由該廳並綏來縣毗連處所添撥地段俾資游牧當飭署庫爾喀喇烏蘇同知周鼎銘綏來縣知縣李原琳察看地方情形會同履勘酌量指撥去後茲據呼圖克圖呈稱勘明庫爾喀喇烏蘇地西自八英溝起東至月牙台止五十餘里綏來縣地方自月牙台交界處起東至頭道河大梁頭止七十餘里統計東西長一百三十餘里南北寬五六十里南抵松樹根北抵山口戈壁爲界地勢聯絡水草豐盛便於游牧查與民屯無礙懇請

撥給等情並據該廳縣會勘稟請照撥前來○覆核無異除飭呼圖克圖將所領徒衆妥爲安插並委員會立界碑外謹附片具奏伏祈

聖鑒訓示施行

新疆圖志卷一百三

奏議十三

創立威遠礮隊保存神機槍礮摺

派員分查喀什噶爾邊界摺

密陳會議許景澄南路邊情摺

新疆變賣草束礙難按照甘肅例價請仍照折徵價摺

庫車廳地震被災片

新疆電報養綫等費摺

請駐防喀什沿邊營旗照行糧支給摺

築羅布淖爾蒲昌城動支銀兩片

密奏勞師糜餉速結帕米爾界務片

購辦洋槍鑄造鐵礮以固邊防摺

會議胡景桂新疆邊防善後摺

創立威遠礮隊保存神機槍礮摺

精神機營官兵先後由新疆回京業經奏明將各項槍礮派員經
理在案查光緒十八年臣函商北洋大臣李鴻章由武備學堂遴
派補用守備張志文把總王恩貴前來新疆當飭照標營章程於
十九年七月初一日募成新式槍隊一哨敎習陣法操法及挖溝
築壘諸事現有成效前項槍礮應卽飭交張志文王恩貴接管並
將所帶新式槍隊改爲礮隊一哨名爲威遠礮隊由臣督飭操練
俾成勁旅應需月餉及車驛等項經費均照標營礮隊章程從本
年五月初一日起支據布政使饒應祺詳請具奏前來臣覆核無
異謹繕清單會同陝甘總督楊昌濬恭摺具陳伏乞

聖鑒飭部立案施行

清單

威遠礮隊一哨以九十二人爲定額私夫車夫在外管帶官一員
月支薪水銀十八兩每月加製辦旗幟號衣銀十六兩均不扣建
私夫四名每名月支銀二兩七錢營書一名月支銀六兩哨長一

員月支薪糧銀七兩二錢私夫二名每名月支銀二兩七錢什長六名每名月支銀四兩五錢護兵四名每名月支銀四兩二錢礮勇七十二名每名月支銀三兩九錢火夫七名每名月支銀三兩車夫八名每名月支銀三兩車驛十六頭每頭月支乾銀二兩四錢均扣建計大建月共支銀四百七十一兩四錢小建月共支銀四百五十六兩八錢二分

派員分查喀什噶爾邊界摺

竊查新疆邊界袤延數千里西北與俄境毗連西南與英屬外部接壤光緒十年分界大臣沙克都林札布會同俄使議定喀什噶爾西北界綫至烏仔別里山豁爲止彼時如何會同設立牌博新疆官弁無人隨往以致烏仔別里實在地址一時無從指證其自烏仔別里以南從前既未劃分此時尤難辨晰十七年俄人垂涎帕米爾派兵越卡壁承總理衙門查問界址是年七月前護撫魏光祿派委府經歷海英候補主簿李源鈉分赴西南西北各邊

境查勘雪嶺冰山奇險萬狀該員等深探窮入相度再三十九年
秋始有端倪屢據繪圖貼說經臣先後咨送總理衙門在案旋復
承准電詢因都庫什以北薩雷濶勒東西一帶地勢兼查阿富汗
交界地方臣當飛飭分履覆查現在該員等已到之處地名音譯
山川源委尙須詳細考證未到之處尤須周遭徧歷俾形勢了然
將來議分界務方有把握惟念各該員跋涉窮荒衝冒瘴癘實屬
異常辛苦除月支薪水外不得不酌加津貼以示體恤隨帶繪圖
書士通事嚮導並遞文開路人等均須分別給予口食騎馬及行
裝駝運等費核計每員每月各需湘平銀二百一十兩零添置儀
象鐵器等物仍准另報一次自十七年七月起已按月支給擬俟
查勘完竣隨時停止期歸節省所有派員分查喀什噶爾邊界情形
恭摺具陳伏乞

聖鑒訓示施行

密陳會議許景澄南路邊情摺

竊臣等承准軍機大臣字寄光緒十八年十二月十二日奉上諭許景澄奏敬陳新疆南路邊境情形一摺等因欽此並鈔錄許景澄原摺欽遵寄信前來跪誦之下仰見

朝廷慎籌邊備預弭釁端之至意臣等查俄兵進踞帕米爾往來無定自應嚴密防範以免疏虞色勒庫爾卽塔什庫爾干距喀什噶爾九百里塔夏爾瑪在色勒庫爾北八十里布倫庫爾距喀什噶爾五百里三處均布回部落上年各駐馬隊一旗冬間臣模咨提臣董福祥加派馬步前往助防現派署英吉沙爾叅將記名總兵楊德俊率步隊一營駐守色勒庫爾兼統沿邊諸營旗奇靈柔珠等卡以外畧界臣仍如意巡防各該處道途險遠飭照行糧章程支給以資鼓勵復於撫標及阿克蘇鎮標調撥步隊三營馬隊三旗飭赴喀什噶爾聽候提臣分布臣昌濬密飭甘涼肅諸軍預爲整頓以備調遣至邊境情形近據喀什噶爾道稟稱俄兵駐紮讓庫爾六爾阿烏等處不及千名現亦無驚報惟喀什噶爾各城

處處鄰敵提

董福祥謀略深長端資鎮恤

等以爲衝鋒陷陣

將校之職籌畫機宜統帥之任提

臣正須居中調度未便遽令輕

出許景澄原奏提督出駐邊營一節自非事勢十分喫緊似不必定如所議又原奏新疆巡撫應於春夏之交赴喀城巡閱一節竊

思上兵伐謀首貴自強大臣所能盡力者以整肅吏治講求武備

爲急務

臣於上年夏間咨商北洋大臣選派熟習新式操法人

員來新教演並派員分赴天津上海購辦軍械現均未到

臣模

赴喀城巡閱應以察看防營爲先竊密此時軍容似尙未足以攝

強敵况離省窵遠往返五六月之久後路伏莽在在堪虞顧彼置

此似亦非計然許景澄既有此議

臣模若不一往不特無以仰慰

聖廑亦無以激勵將士再四籌思未知所措不得不將現在情形

據實陳奏請

旨遵行蒙

諭飭神機營暨北洋大臣籌備新式槍礮

臣模已遵派員弁迎接

一俟到新疆即交提臣扼要位置仍切屬各營講求操法極力整頓冀有成效色勒庫爾應否置爲重鎮俟防務大定再行妥議奏明辦理如拜摺後邊報有警臣模自當不拘時日馳赴南疆辦理防務斷不敢稍涉遲緩致悞事機臣等往返函商意見相同理合將遵

旨會商籌防邊務緣由合詞密陳伏乞

聖鑒訓示

新疆變賣草束礙難按照甘肅例價請仍照折徵價摺

竊准戶部咨覆署烏什廳同知江景耀接收前任袁運鴻草束一案內開光緒十八年以前各廳州縣變賣草束均准每百觔照銀五分之數辦理自光緒十九年起各州縣變賣草束卽照甘肅例價每百觔定價銀一錢報部等因飭據布政使饒應祺詳覆前來臣查新疆北路向不徵草南路本折草束與額糧並徵前撫臣劉錦棠奏准每百觔折收銀五分嗣後各屬稟請變賣均飭照五分

之數辦理在劉錦棠非不知市價有漲落顧以五分折收卽以五分變賣者誠以立制貴得其平體察地方一切情形酌中定擬凡見爲少者或欲加而不得現在南路草束視往年尤爲饒足間值騰貴比較折徵價銀不過一分數釐而若圖多得贏餘每百觔定銀一錢雖屬甘肅例價所有實爲新疆市估所無而又以此爲限制不特高抬價值與民爭利似非政體所宜竊恐勢有所不行公中究不免於折耗蓋南路各屬轄地數百里千餘里不等存草數十萬百餘萬不等戈壁長途不能運赴別處銷售除商民零星購買以營旗領用爲大宗按季支放由舊管項下酌搭數成爲推陳易新之計而各勇丁以爲雖按五分核扣實不如採買民草之適用又豈肯以加倍之值領此新陳攪半之草勢必銷路日隘既愈積而愈多州縣恐致賠貼不敢請售且愈積而愈壞年復一年將有并此五分之價亦不能如算者是草價一項照舊則銀數似覺輕減議加則虧折轉在將來利病所在固不得不通盤籌畫也部

以新疆甘肅轉地毗連接甘肅以例新疆持論原非刻駁惟關
內外情形各異礙難執以相繩合無仰懇

天恩俯准新疆各屬草束仍照百觔扣銀五分例價變賣以歸畫
一而昭核實所有新疆變賣草束請仍照折徵價情形恭摺具陳
伏乞

聖鑒訓示施行

庫車廳地震被災片

竊據庫車廳同知劉人佺稟報光緒十九年十一月初十日卯刻
該廳忽然地震簸蕩搖撼莫可名狀連震十餘次始定此後又接
續微震至二十日方止踏勘城關內外並分查各鄉計廳城城身
開裂倒口數處城樓角亭女牆梁口及同知照磨兩署守備管署
兵房各廟宇義塾監獄驛房官店糧倉軍裝局電綫報房或全行
坍塌或開拆欹斜回子郡王住房禮拜寺半已傾塌城關及各鄉
民房均有倒損北鄉較甚綜計共倒民房五百五十六間壓斃男

女九丁口壓傷三十三名等情前來當飭藩司委員前往勘驗一面批由該廳查明被災各戶暫各給銀一兩架搭蘆棚以便棲止壓斃各丁口每名給銀三兩被傷者給小麥一石以便痊埋而資醫治前項銀兩麥糧均由善後項下開報至城署廟宇並各項房屋如何酌量修理估需經費若干倒塌民房應否加給銀兩俾資修造再行詳請核辦竊維山澤飛通斯無地震之患新疆河流平涉戈壁袤延地氣不舒時有震動然不過頃刻即止茲該廳遵此奇災實從前所未經見日忝膺疆寄惟有力加修省以期消弭勉

副

朝廷委任至意所有庫車地震被災情形謹附片陳明伏乞

聖鑒訓示

新疆電報養綫等費摺

竊新疆東南北三路次第安設電綫經北洋大臣李鴻章陝甘督

楊昌濬會同日先後

奏明籌欵興辦在案東路自嘉峪關至新疆省城十九年夏間歲事南路自吐魯番廳至喀什噶爾本年二月亦經告竣現在北路展至伊犁四月即可開辦各路採運電料均由總辦電報事宜直隸津海關道盛宣懷派員經理應需桿木由^臣分飭各廳州縣地段購備木料運價造冊送交盛宣懷彙案報銷至常年需用養綫修理等費前摺申明由新疆籌備接據盛宣懷酌定章程^臣逐加核閱關外瘠苦百物昂貴一切費用較內地須稍從寬方能經久計東路安西州酌設報房哈密廳設子局吐魯番廳設分局省城設總局南路喀喇沙爾廳庫車廳瑪納巴什廳分設報房阿克蘇酌設子局喀什噶爾設分局北路擬於庫爾喀喇烏蘇廳設報房伊犁惠遠新城設分局計總局一處分局三處子局二處報房五處綜核委員領班司事工頭巡目丁役人等薪工火食並修理等費每年約需銀二萬七千餘兩遇閏加增五年大修需費尤鉅^臣業飭電報總局督率試辦如能敷用即將章程欵目分咨總理各

國事務衙門暨戶部存案查陝甘兩省養電經費係由關內外轉運公費賸存項下動支新疆餉項歲有定額又無閒欵可籌。與藩司熟商查有甘肅新疆歲收協餉四分減平每年新疆分銀十萬兩歷年存儲上項經費關繫邊防大局合無仰懇。

天恩俯准在於四分平餘項下動用由司按年造報以顧要需而昭核實所有新疆電報養綫等費由歲收協餉四分減平項下酌用緣由恭摺具陳伏乞

聖鑒訓示施行

請駐防喀什沿邊管旗照行糧支給摺

竊照光緒十八年俄兵越入帕米爾各卡口咨商喀什噶爾提督

董福祥調撥管旗擇要扼守先後

奏明在案查新疆標防各管光緒十四年撫口劉錦棠具奏一律改支坐糧而部臣於十年奏西路軍餉浩繁統籌全局摺內有無事尙支行糧有事時不加無以示勸請改行糧爲坐糧出征外域

始照行糧支給等語通計常變酌節餉需以備出征時鼓勵士卒之用誠以沿邊萬里逼近強鄰中外斷不能百年相安餉章卽不能一成以易其謀慮良深遠也帕米爾自俄人肇景以來或移阿克蘇鎮屬營旗歸提臣調遣或由撫標抽撥並新招馬步填繁喀什噶爾及阿克蘇所遺營汎當以移防尙在腹地籌餉又極艱難飭經過各屬供支糧料柴草稍資津貼關餉仍按坐糧給領惟喀什噶爾沿邊卡隘如布倫庫爾及色勒庫爾塔敦巴什等處距城數百里至千餘里不等前後抽調步隊四營馬隊七旗開花礮隊一哨分段防守其扼要處所多在層巖疊嶂之間路徑崎嶇水草缺二三風煙瘴惡異常僅給坐糧難資鼓勵上年督臣楊昌濬函商及此臣竊計邊事如了結行當撤回未卽具奏現在分界尙無定議各將士絕微防戍非無事時可比若仍支發坐糧未免漫無區別擬按標管人數暫給行糧餉銀其自上年派撥者從十九年正月初一日起支本年陸續調往者各從開拔之日起支砲隊

勇士行糧過優應照坐糧量行加給各營旗棚帳子藥等項擬每
棚設棚夫一名以資經理該處防地遼瀋提日相距亦遠事權若
不歸一竊恐貽悞戎機業咨會董福祥派委記名總兵署英吉沙
爾參將楊德俊統領西四城沿邊馬步酌給統費俾足辦公綜計
現撥各營旗哨除運解糧草腳價及各項雜費容飭司取具細數
造冊詳請奏銷外其應支月餉暨統領公費較坐糧歲多銀四萬
餘兩一俟邊務平靖撤回原防照舊支給坐糧棚夫統費一併停
止如此辦理核與部口出征外域始給行糧之議相符各將士沐
朝廷寬大之恩亦必共矢忠良勉圖報稱實於邊陲大有裨益據
布政使曉應祺開列營旗餉銀數目前來謹會同陝甘總督楊昌
溶恭摺具陳伏乞

聖鑒飭部立案施行

欽羅布淖爾蒲昌城動支銀兩片

欽羅布淖爾卽漢蒲昌海光緒十五年經前護撫日魏光熙奏請

開辦於英格可立地方設立撫輯招徠局數年以來計土著並新招業農纏回共一千二百餘戶商民約二百戶村落市集漸有起色惟該處荒地初闢道里遙遠非建立城垣無以固人心而資保障查距英格可立二百八十五里之都納里河流環繞形勢扼要地土尤爲平行筋於該處築土城一座周圍四百四十丈名曰蒲昌城撥派營勇分段興修所需犒賞及雇匠購料各項銀兩均由該局經費項下擇節動支併案造報據布政使饒應祺詳請具奏前來理合會同陝甘總督臣楊昌濬附片陳明伏乞

聖鑒飭部立案施行

密奏勞師糜餉速結帕米爾界務片

竊自俄兵越卡論者不體察一切動以不戰相訾議顧疆場之事戰固慮防大局不戰而曠日持久亦必有師勞餉竭之虞帕米爾本邊徼瘠區俄欲得此其意固有所在我則沿邊設備處處宜嚴故俄以數百人縕我數千之師俄不見不足我未見有餘我防俄

俄不防我也該處山嶺阻深八月卽凍狂風走石瘴氣翳空各將士奉調久役瘦削黧黑無復人狀征戍之苦未有甚於此者至糧料草束運費動增數倍良由布回游牧之地間有糧草僅足自給無從購買加以山路陡峻車輛難行均由疏勒莎車等屬用馬駄運一往一返近則經旬遠且逾月馬運爲數無幾而沿途餒養既取給於此層層耗減愈遠愈多其充軍食者較原運之數或至短半綜計現撥營旗及各項員役共三千數百名驃馬一千數百匹每月所需運脚並局卡等項雜費約在二萬兩以外夫久暴師則用不足最爲兵家所忌現在陳兵相持爲時已久歲糜數十萬金坐受疲敵而俄祇是遣兵游弋六爾阿烏之間以相牽綴於彼究無大損斯卽將來勘分並無出入亦豈合算此。深維事勢輒中夜彷徨惄然不自安者也相應懇

恩飭下總理各國事務衙門該處界務究應如何辦理迅與駐京俄使議結以期休息士卒節省度支邊陲幸甚謹附片密陳伏乞

聖鑒訓示

購辦洋槍鑄造鐵礮以固邊防摺

竊維籌邊以武備爲要行軍以利器爲先溯查前陝甘督臣左宗棠前新疆撫臣劉錦棠平定西陲雖刀矛並用得力於槍砲者居多現查新疆舊存各項或久經操用機簧不靈或爲數無多不敷分撥非酌量購辦不足以備緩急臣到任以來除由甘肅分購毛瑟槍三千桿應歸督臣楊昌濬併案具奏外計委員前赴天津咨請北洋大臣李鴻章代購毛瑟後膛單響馬槍一千桿前膛來福步槍二千桿前膛來福馬槍二千桿又由上海招商局代購後膛毛瑟單響步槍二千桿毛瑟馬槍一千桿前膛來福步槍二千桿馬槍二千桿需用彈子槍頭佩帶及修整槍械機器等項均購辦齊全至新疆各廳州縣共三十餘城多無存城砲位查北路濟木薩屬水西溝向產鐵苗前護撫臣魏光焘招商試辦出鐵漸多惟質性甚粗非加工提鍊難期糧良臣飭藩司揀派妥員承造大小

鐵砲二百尊自四百五動至二千動不等以便分解各城藉資防守每動一動並工料薪水計算銀一錢七分每尊配子三百顆每動價銀一錢三分飭解省城演試均能命中致遠現在各項洋槍尚未運齊砲位亦未鑄造足數所需價銀及運腳等項銀兩卽在歲撥軍械經費內動支容俟開列細數彙入軍需項下請銷是否有當合無仰懇

天恩飭部立案施行

會議胡景桂新疆邊防善後摺

竊臣等於光緒十七年冬間先後承准軍機大臣字寄光緒十七年十月十八日奉

上諭胡景桂奏條陳新疆邊防善後事宜一摺所陳裁兵裕餉興屯各節不無可採其餘各條有無窒礙著長庚楊昌濬陶模悉心會商妥議具奏原摺均著鈔給閱看將此各諭令知之欽此遵旨寄信前來臣等欽遵閱看編修胡景桂所陳各條洵屬留意邊

防當卽體察情形往返函商謹就原奏分別條議爲我
皇上敬陳之

一原奏新疆宜裕邊儲一條查新疆開設行省幅員遼闊額定旗
綠兵丁共三萬一千名實不爲多伊犁與塔爾巴哈臺三面鄰俄
南路各城在在當衝礙難再事裁汰現在新疆歲撥協餉三百三
十六萬兩名爲兵餉而一切例支地方善後旗營經費等項皆在
其中自光緒十四年起司庫伊塔道庫塔爾巴哈臺同知庫每年
存銀十餘萬及二十萬兩不等此外無可再行提存各省關銖積
寸累公用應四等備悉其艱無如新省歲入僅等江浙一大縣
事事仰給內地勢處於無可如何裁兵存餉之說應請毋庸置議
一原奏裁兵分屯一條查屯田足食固籌邊者所艷稱然四民爲
農最苦人多憚於力穡新疆勇丁皆關內人原因不肯力田始甘
心爲兵旣入兵籍何能於萬里外更事耕耘前撫四劉錦棠於北
路廳縣招戶墾種勇丁亦多就募給與房屋牛籽成本每戶領銀

或三四十兩或六七十兩較該編修所奏之數有贏無絀並設屯正屯長層層鉛束而各勇丁不安耕作動輒潛逃卽令勉就約束而鹵莽耕種作輒自便實於邊儲無甚裨益至遣屯一項尤難就緒農雖小道亦須童而習之遺犯習於游惰非桀鷙不馴卽系有嗜好且半無家室逃者徒煩緝拿留者無裨戶口現在北路荒地尙多招各城業農纏回有家室而無田產者設法安插俾令承犁應徐俟成效惟南路各城富於糧食艱於轉運百物昂貴米麥獨賤發餉時兵勇均求全領現銀不願領糧扣餉良由年歲中稔市價賤於例價之故是儲有益民食無補度支今日邊計正非專言屯政所可茲也

一原奏善後經費宜核實一條新疆諸須創辦統言之則曰善後分之則頭緒百端除城垣衙署均須重建外凡農桑學校下至醫藥等項無日不爲民辦事卽無處不需欵開支現雖部撥新疆善後經費銀十四萬兩伊犁十一萬二千兩塔爾巴哈台三萬兩而

南北兩路事多未竣伊犁塔爾巴哈臺分隸未久百廢待舉不敷
尤鉅查前項經費非裁兵而設亦非專爲屯田之用至謂歷年裁
勇不下數萬嘉峪關所報不過數千聞皆在南山中將來恐其滋
事等語查卓勝軍蜀軍嵩武軍或遣撤或調防湘楚各軍亦裁汰
不少統計東旋者以數萬計肅州迤北徑途不一不必定由嘉峪
關行走關吏所報未足爲憑其流寓塞外者散處各城或商販或
工作或充各衙門局卡丁夫本可謀生無如懶惰性成稍有餘資
卽舍業而嬉迨所積用罄計無所出間往南山偷種罂粟冬令雪
深仍散居各城不願入籍爲農黠者或誑領屯費潛逸無蹤原奏
擬於善後經費內提二三十萬金爲安置之費應請毋庸置議

一原奏布倫托海宜屯墾一條查布倫托海卽赫色勒巴什淖爾
在科布多西南塔爾巴哈臺東境南至迪化西至塔爾巴哈臺各
千餘里亂時難民寄居者萬餘人塔城所屬舊吐爾扈特額魯特
及哈薩克部衆寄居因沙土瘠薄平定後均各遷回光緒九年定

界將齊桑淖爾東南地割隸俄國斜米省設有齊桑斯克近鄰布倫托海於科布多新疆形勢均有窒礙聞近有俄屬哈薩克潛逃布倫托海南越沙山冒充中屬哈薩克至古城綏來售賣牲畜殊難稽察該處本科布多屬地如將科布多帮辦大臣移駐布倫托海就近防守阿爾泰山抽派蒙民常川屯駐實於邊防有裨應俟¹³等咨商科布多大臣酌議具奏其胡圖斯拉一帶金苗旺否容查明商辦

一原奏礦務商務宜籌辦一條查華民拙於煉礦非雇洋匠購機器不可然治礦須習化學運機須習重學一知半解輒易貽事專恃洋人尤非久計言礦務於東南當以講求藝術爲先言礦務於西北雖有良工奇器亦難得利西國開礦必先測所產足贏所費尤必熟察水陸運道市埠之近便者幾處運愈速則利愈宏未有於不通輪船不設鐵軌之處浪擲巨款以興礦務者也新省鉛鐵銅礦以機器取之必多且佳而購機設局費且百萬地無舟楫南

路又乏車輛駄運勞費貴於俄產東連甘肅腳價尤昂本境行銷無多非獨工本不能取償卽常年經費亦難周轉惟鉛內或含銀質現擬試驗鉛礦如雜有銀質足敷工本再行酌辦和闐產玉甚稀于闐縣金苗不旺額定金課累民殊甚緩來等處金礦早廢商民來此者失利固難久居得利則思歸更切礙難招辦原奏又云南路可造船轉運北路宜仿俄國台車之法查南疆葱嶺于闐諸河地勢不平流急沙疏盈涸無定平衍處僅能截流而渡不能從流上下庫車南境塔里木河東抵蒲昌海七八百里可順流行舟惟逆流則南行俄境台車卽四輪快車日行二百餘里其台路修築頗平行抵薩瑪爾干鐵路倭連布鐵路均極便捷俄人以台路爲鐵路先聲新疆因籌欵艱難坐視鄰邦之布置口等深爲寒心此時統籌大局東南諸省本通舟楫不必急行汽車應請俟山海关外鐵路工竣卽向西展築則秦晉驛道免種種差徭之累新疆局勢無鞭長莫及之憂軍務礦務賑務裨益良多若格於浮議日

後敵人往來神速新疆稍有疏虞秦晉亦難安枕似宜及早籌商一原奏馬廠駝廠宜試辦一條查伊犁巴里坤舊皆有駝馬廠兵亂後伊犁各廠均廢巴里坤馬廠獨存惟孳生馬匹性欠馴良弁勇不樂騎用南路各營就地購用亦不甚貴古城木壘河等處廢廠多經耕種擬於各廳縣另擇善地分設小廠責成地方文武官經理伊犁廠務承平時極爲繁盛兵燹後各廠荒廢察哈爾額魯特兩營丁衆生計維艱長庚亟思籌辦廠務以培元氣苦於軍標額餉並無餘欵近年由哈薩克收獲馬匹試辦孳生爲數不多無裨牧政現在商同模設法籌辦應俟另案具奏至駝駝一項足備轉運應俟牧政漸興次第試辦

一原奏要害重地宜移兵設防一條查全疆以伊犁爲樞紐古來守伊犁者必據伊犁河西岸唐儀鳳時王方翼築碎葉城天寶初鎮西節度居怛羅斯宋時西遼建都於虎思斡耳朮皆在伊犁河西蓋非此不足以制南路諸部乾隆嘉慶間歷任將軍斤斤於河

東布置嗣後迭經分界伊犁一河俄人據三之二今雖增設郡縣
實已孤懸敵境宜於博羅塔拉精河等處增駐重兵以聯東路聲
勢於冰嶺之北格登山各卡分紮營旗以聯南路聲勢惟增兵又
須增費此等所躊躇郤顧者也至喀喇沙爾居天山之南珠勒
都斯係舊吐爾扈特各蒙古牧地瑪喇巴什距俄境較遠喀浪圭
等處均非要衝毋庸更張惟烏什邊防必兼顧布回部落距城一
百八十里之伊布拉引距城七百六十里之喀拉布拉克最爲扼
要已各派馬勇巡防倘邊務喫緊則此處必須增兵以遏那林斯
克之衝並爲喀什噶爾後路屏蔽

一原奏伊犁將軍宜假以事權一條查光緒十五年昌濬與前
撫^臣劉錦棠等會奏伊犁等處統轄事宜摺內聲明伊犁將軍節
制鐵道凡中俄交涉事必須隨時決制者概歸將軍辦理等因奏
准在案惟伊犁將軍所轄錫伯索倫察哈爾額魯特四部邊界遼
長千餘里伊犁滿營皆瘡痍之餘難稱勁旅四受曼半耕半牧之

兵不足以禦強敵霍爾果斯特克斯等處平原無險徑途百出巡
防不易軍鎮兩標應聯絡一氣遇有邊警應聽將軍督率調遣平
日操防由將軍就近督察其軍政計典文武補署仍由巡撫會同
將軍具奏

一原奏伊犁四鎮游牧宜培養一條查伊犁駐防及各愛曼舊本
曉勇自經變亂窮困流離謀生不暇欲收強兵之效以得其力必
先籌撫卹之政以厚其生日長庚到任後查前護理將軍富勒銘
所定四愛曼兵制額多餉薄不能調練亟思籌辦屯田牛種以裕
錫伯索倫兩營生計籌辦孳生牲畜以裕察哈爾額魯特兩營生
計俾各該兵丁無內顧之憂然後輪班調至惠遠城課以操槍演
礮打靶取準及一切新演陣式庶可漸收成效惟四領隊衆處一
城離防所窩遠不能常事梭巡當此強鄰逼處應將錫伯營領隊
塔拉額魯特領隊出駐特克斯川以固邊防至原奏撫恤難裔一

節當由長庚查明辦理

一原奏分疆勘界宜慎重並歸咎分界使臣一條查邊境被佔由來者漸不能專咎使臣如前侍郎曾紀澤爭還特克斯川其功正不可泯伊犁舊疆索倫管及額魯特上三旗汎地最遠領隊大臣均駐惠遠城照顧不及道光二十六年以後俄人於巴勒噶什淖爾東南築闢帕勒城於特穆爾圖淖爾之北築威而尼城即七河省城兩處本列版圖節氣時刻並載時憲書守土諸臣置若罔聞於是阿克蘇天山迤北察林河等處卡倫及塔城西之舊雅爾城逐漸入俄蓋未定界約之前被佔不少咸豐十年議定浩罕爲界尙能自立實與俄境無涉迨浩罕八部相繼淪亡南疆遂緊與俄鄰回匪亂後疆界益壞勘界時地名詢諸俄人與圖付諸畫工回語俄語輒轉繙譯急讀緩讀音義字殊載諸約章亦未詳細嗣後如有界務應選明於測繪之人隨同勘界使臣如法詳繪界綫爲經城邑道里爲緯方向遠近務求密合以杜爭端

一原奏通商稅關宜設稅釐宜酌減三條查光緒七年改定條約有俄民於各城貿易暫不納稅等語嗣前撫^臣劉錦棠於古城哈密省城綏來吐魯番先後設局專收華商貨稅上年經^臣模奏奉部覆俄商稅則尙未議定若免俄稅而收華稅不特華商受困且授俄商包攬之權應將華商稅銀停止俟俄商稅則議定卽復舊章等因在案應卽遵照辦理

一原奏學校宜整飭一條查鎮西迪化各屬考試皆關內人入籍緣本地全是客民如停止試事更無以資勸導惟甘肅鄉試鎮迪兩屬另編字號取中往往一經中式便請改歸原籍殊屬不成事體應由禮部核議嗣後以新疆籍貫中式者概不准改歸原籍庶幾邊徼殊方絃誦不輟至南疆義學回童皆按名給以錢米隨時考察獎賞取作佾生以示鼓勵無如纏回言語不通文字不同視讀書爲畏途爲師者又祇課詩文不教實學^臣模到任後另定章程嚴飭各屬督同塾師通事教識漢字學漢話刪除虛文以朱子

小學等書導以孝弟忠信修身敦行之道以期轉移風會漸有實效

一原奏錢法宜變通一條查省城及南路設立官錢局商民稱便
伊犁設局後俄帖業已停止辦理雖甚竭蹶圖法藉以維持斷不
取卒爾裁撤省城及庫車試鑄紅錢人工物力無不昂貴定價每
紅錢四百文合銀一兩不免賠貼工本較之嘉慶初年阿克蘇錢
局以二百二十文合銀一兩則現價尙不甚昂當再行廣鑄以期
銀錢兩價漸得其平

以上所議各條因原奏各節有毋庸更議者有業已辦理者有應
行籌商者日等悉心商酌意見相同謹合詞恭摺具陳伏乞
聖鑒訓示施行

